



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dispvtatio De Statv In Qvo Sint Beatorvm Animae Post  
Hanc uitam, ante ultimi iudicij diem**

**Dévay Biró, Mátyás**

**[Nürnberg], [1537]**

**VD16 D 1300**

Nvllvs Sanctorvm Est Corpore Et Anima Glorificatus.

**urn:nbn:de:hbz:466:1-34195**

NVLLVS SANCTORVM EST  
CORPORE ET ANIMA GLORIFI-  
catus.

Hebreos. 11.

**E**pistola ad Hebreos cap. 11. tres promissiones facit. Promissionem benedictionis animæ , hanc acceperunt omnes sancti omnium temporum, quippe qui fuerunt semper in tempore gratiæ, ut interim particio temporis ante legem, sub lege, sub gratia periclitet. Et patres idem Euangeliū, quod est annūciatio remissiōis peccatorum, gratiæ, fauoris, ac misericordiæ Dei per Christum habuerunt atq; nos: unum est enim Euangeliū nostrum & illorum, eadem fide, ut uidimus, saluati sunt, atq; nos, de his epistola, acceperunt promissionem.

Alia promissio terræ Canaan, de hac Abraham, Isaac, Iacob ne passum quidem pedis acceperunt, sed in suo semine duce Iosua, qui per fidem uicerunt regna, operati sunt iusticiam, adepti sunt repromissiones &c.

Tertiam, glorificationis scilicet coporis & animæ nullus eorum accepit, de quib; in fine epistolæ: Hi omnes testimonio fidei inuenti probati sunt, non accipientes repromissiones, Deo pro nobis melius prouidente ne sine nobis consumarentur, et proprie Apostolus loquitur de patribus ueteris testamenti.

Scopus autem disputationis nostræ est, utrum mortui sancti sciant nos, Frater ex Apocalypsi probauit illos nos sciare & peruidere, quæ scientia ad totum hominem corpore & anima conglorificatum pertinet. Et cum nullus adhuc sanctorum corpore & anima uel surrexerit uel glorificatus sit, sequitur plane sanctos nos nescire, uiuunt Deo, uitam agunt spiritualem, sed nos ignorant, & haec duo non sunt contraria, Deo uiuere, & nos ignorare sanctos, ut superius abunde iuxta ingeniali mei modulum probavi.

Repus-

Repudiandus est hic & illorum error, qui sanctos ex Iim.  
bo cum Christo cœlos ascendisse dicunt, uel ex uno Hiob, Hiob. 19.  
qui cap. 19. de se sic loquitur: Scio quod redemptor meus  
uiuit, & in nouissimo dîe de terra surrecturus sum, & iterum  
circundabor pelle mea, & uidebo Deum saluatorem meum,  
& hi ipsi oculi & non aliis, reposita est hæc spes in sinu meo.

Si cæteri patres ascendissent, haud dubie & Hiob ascen-  
dit. Et Petrus constanter asserit, post Christi ascensionem  
Dauidem non ascendisse in cœlum, Actorum 2. corpore & ~~acto~~. 2.  
anima simul.

Chryso. cap. 11. Hebræ. Quid itaq; faciet Abel, qui ante chryso/  
tot annos uicit, & adhuc sine corona sedet? Quid Noe:  
quid cæteri illorum temporum: quia ecce expectauerunt et  
alios expectant, qui post se futuri sunt, uide quia nos in eo  
superamus eos, de nobis enim dixit: Melius aliquid prouidit Deus, ne aliquid a nobis plus habere uiderentur, si primi  
quam nos coronarentur, unum definiuit tempus omnium  
coronarum, & qui ante tantos uicit annos tecum accipiet  
coronam. Idem.

Et non dixit, ne sine nobis coronentur, sed ne sine nobis  
consumentur, proinde etiam perfecti tunc parebunt, præue-  
nerunt nos in certaminibus, sed non præuenient in coronis,  
non enim illos læsit, sed nos honorauit, nam & ipsi fratres  
libenter nos expectant. Idem.

Simul & communiter coronantur, & non per partes.

Idem.

Vt cum fratribus coronentur, ut simul glorificeretur,  
Fulgentius libro 1. ad Monimum: Donum perfectum tunc fulgentius  
omnibus dabït, quando sanctis, æterna glorificatio tribuet.

Augustinus libro 1. retract. cap. 14. Angeli sancti, quod augeli  
sint in illa possessione beatitudinis, nulla quæstio est, sed de  
sanctis hominibus, iam defunctis, utrum ipsi saltē dicendi  
d 3 sint

sint in illa possessione consistere, merito queritur, iam enim  
corpo quidē corruptibili, quo anima aggrauat exuti sunt,  
sed adhuc expectant etiam ipsi redemptions corporis sui,  
& caro eorum requiescit in spe, nondum in futura incor-  
ruptionē clarescit.

Item. Corpora sanctorum defunctorum requiescunt in  
spe expectantes corporis redemptions, sed utrum ad con-  
templandam cordis oculis ueritatem, sicut dictum est, facie  
ad faciem, nihil ex hoc minus habeant, non hic locus dispu-  
tando inquireritur.

Ex eodem Augustino didicimus animas in abditis recep-  
taculis contineri, soli Deo notis, hæc receptacula dicas, cœ-  
lum, requiem, quietem, gloriam, uitam, pacem, refrigerium,  
Deum, sinū Abrahæ, manum Dei, domum non manufactā,  
benedictionē, paradisum, gaudium, ciuitatem, securitatem,  
beatitudinem, summum bonum, idem dixeris.

Proinde nos credimus carnis omniū resurrectionem futu-  
ram non factam. Paulus maledicit quibusdam, qui de resur-  
rectione aliorum male sentiebant. Angeli Galilæis de so-  
lo Christo loquuntur: quemadmodum uidistis eum, idem  
sic ueniet. Et symbolum, inde uenturus, non uenturi. Idqz  
prudentissima Dei dispensatione factum, ut solus Christus  
effet noster mediator & adiutor cōtra quatuordecim auxi-  
liatores hypocitarum & alia idola. Et ut stultam ficeret  
sapientiam mundi huius, quæ prorsus diuis & Beatæ Virgi-  
ni detulit quicquid Christi erat. Profecto adhuc & uiui &  
m̄ ei genti ipso Christo, ut una nobiscum regnum suum  
tradat Deo, id est, omnem prædestinatōrum numerum, ut  
tandem Deus sit omnia in omnibus.

De Enoch & Helia, cum nihil tradat scriptura, ubi eorū  
sint corpora, iudicio Dei relinquendum est, scimus tñ, quod  
caro & sanguis regnū Dei non possidebunt, & moriendum  
est

Enoch  
Helia

est omnibus semel, tamen ad analogiam scripturæ superio-  
ris, & eorum quoque negocium trahendum, ne sine nobis sine  
consumati. Sic sentiendum & de sanctorum corporibus, quæ *Note.*  
post Christi resurrectionem exierunt e monumentis ad te-  
stimonium ueræ resurrectionis Christi, utut absurdum sit  
humanis auribus, illa corpora iterum in suos locos abijisse.  
Sic de Moysse & Helia in monte Tabor uisis ab apostolis,  
sentiendum, regula Apostoli semper seruanda: ne sine no-  
bis consumarentur. Quod si adhuc mortui nō essent Enoch  
& Helias, occulto Dei iudicio, semper tamen uero, aut mo-  
rerentur, aut cum illis de quibus 1. Cor. 15. Non omnes qui  
dem moriemur, sed omnes immutabimur in ictu oculi, in  
nouissima tuba immutarentur de mortalitate scilicet ad im-  
mortalitatem. Et ut ingenui fatear, non uideo quid habeat  
incommodi sic de glorificandis sanctis omnibus sentire, cū  
hoc idem & scriptura sacra & Doctores sancti agnoscant,  
nec est cur timeatur periculum, quomodo sancti mortui ue-  
nerentur, proprio honore adficiendi sunt, non alieno, de qui  
bus inferius. Item nec potest negari, eorum uita quæ in  
Deo est, quamuis negetur eorum erga nos scientia, uiuunt  
etiam si nos ignorent. Minutius est quod quidā illud Ephes.  
Ascendit in altum ex psalmo captiuam duxit captiuitas  
tem, ad sanctorum cum Christo ascensionem torquent. No-  
stram captiuitatem, legem (quam ipse pro nobis impleuit,  
quæ a nobis impleri non poterat) peccatum, mortem, dia-  
bolum, infernum, de quibus ipse triumphauit, duxit &c.  
debellans eos, & eorum tyrannidem extinguens, ne nobis in  
se fidentibus nocere possint.

Puto bonis uiris me abunde purgatum esse, nec quicque no-  
ui dicere. Sit ergo summa summarum: Nullus sanctorum  
est corpore & anima glorificatus, sed una omnes glorifica-  
bimur, tuncque aperientur oculi eorum, & patet consilia  
cordium

1. Cor. 9.

cordium 1. Cor. 4. iam ad alteram propositionem ueniam,  
quæ est.

SOLVS CHRISTVS EST GLO-  
RIFICATVS CORPORE ET ANIMA  
in cœlo.

1. Cor. 1.  
math. ult.

Heze. 11.  
Jerem. 17.  
math. 22.  
proverb.  
1. Cor. 15.

Opocat. 1.  
Collos. 1.

**A**D dexteram Dei sedere, est Christum etiam secundum hominem Deo patri, in maiestate, gloria, potentia, honore aequali esse, tribuit enim scriptura ipsi Christo ea quæ Dei sunt, ut inuocationem, fidem, spem &c. 1. Cor. 1. Cum omnibus qui inuocant nomen domini nostri Iesu Christi in omni loco. Et ipse met Matth. ultimo: Data est mihi omnis potestas, in cœlo & in terra. Si alius sanctorum esset glorificatus corpore & anima, sequeretur, quod & ille posset inuocari perinde atque Christus, & intropicere cordium secreta, quod solius Dei est. Et Chronicorum 6. Tu solus nosti corda filiorum hominum. Et Heze. 11. Iere. 17. Frustra ergo partiuntur fiduciam cordis sui homines in sua idola, cum totam, & totum cor exigat Deus Matth. 22. Ex toto corde diligere Deum &c. Proverb. 23. Præbe mihi cor tuum etc. Nunc autem Christus resurrexit a mortuis, primiciae dormientium, deinde hi qui sunt Christi 1. Cor. 15. Nihil extra dicens, quam ea quæ prophetæ & Moyses locuti sunt, futura esse, si passibilis Christus, si primus ex resurrectione mortuorum, lumen annuciaturus est. Paulus in Actis.

Qui est primogenitus mortuorum, & princeps regum terræ, Apoca. 1. Primogenitus ex mortuis, ut sit in omnibus ipse primatum tenens, Colo. 1. Et Christus Magdalena: Dic fratribus meis, ascendo ad patrem meum, patrem uestrum &c. Nec dixit, ascendimus. Porro omnis spes & tota fiducia cordis nostri, est in Christi resurrectione, ascensione